

Schnitzelbank Sabrenas 2024

www.sabrenas.ch



Party im Violahof

Machs ch im Violahof e Anlass oder so,
dus ch s'Gebäude ganz und sauber hinterlo.
Darf der Oli dört e Fescht organisiere
Muesch nachher der halbi Saal vu Grund uf renoviere.



Waldbade

In Wald go mit der Försterin isch überhaupt nit gfrogt,
es macht unzfriede, wirsch plötzlich vum schlechte Gwüsse plogt.
Bim Meeting mit ihre merksch, was für e Frevler bisch,
will vor Johre emol im Wald d'Notdurft zrug glo hesch.



E solids Fundament

Wieso sell me sich an d'Wirklichkeit halte?
Do bliibt am Schluss alles wie's isch, eifach bim Alte.
D'Umzonig Thommen stürzt ab, langi Gsichter, e riesegrosse Kater,
mit Wahnvorstellige, liebe Gmeindrot, ghörsch zum Psychiater.



Altersheimambitione

E Sturm isch über's Altersheim gfägt mit riesegrosse Welle
Hesch viel ghört und gwünscht, nüt dörfe verzelle.
Nit vorluut wie der Eri, nei, ich ha d'Schnure ghalte,
due dört derfür scho gli als Insass führe und verwalte.



Nit nur für Hündeler

Im Dorf lauft zwenig, der Gmeindrot suecht e Lösig.
Alli Penner wecke? - Hmm -, zimmlig schwierig.
Mit grosszügiger Freizeitzone will me durestarte,
dört chönnte d'Lüüt go Spieli mache, wie im Chindergarten.



Quartierfescht hipp-hip hurra

Quartierfescht sell me plane, Gmeind hilft gern derbi,
obwohl das sunscht jo eher stieri Type si.
Stell dir vor an somene Fescht, wenn fröhlich am Anschlag fahrsch,
chunnt e Behördemensch derzue und d'Stimmig isch am Arsch.



*Chinderfasnacht, Fasnachtsfüür und Chehrusgaudi
nit verpasse!*